



ЗАМАН



Газета издается на балкарском языке с 1924 года

Интернет-версия: smikbr.ru/zaman

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Жыйылыу

Тазалыкъ бла байламлы болум сюзюлгенди

КъМР-ни Башчысы **Казбек Коков** оператив кенгеш бардырганды, ол къаты коммунал кир-кипчикни ташыу регион операторну ишине жораланганды. Аны юсюнден КъМР-ни Башчысыны бла Правительствосуну пресс-службасы айтады.

Жыйылыуа КъМР-ни къурулуш эмда ЖКХ министрине къуллугъун толтурган **Андрей Журавлев**, Нальчик шаар округну жер-жерли администрациясыны башчысыны къуллугъун болжаллы халда толтурган **Азаматгерий Ашхотов**, КъМР-ни Айнытуу корпорациясыны таматасы **Чочайланы Ахмат**, «Экотехпром» муниципал предприятияны таматасы **Лостамбек Абуков** къатышхандыла.

Энчи эс предприятияны мюлк-техника мурдорун жангыртуу соруулаа бурулганды, алып айтханда, энчилениген техниканы паркын жангыртууга. Жангы регион оператор ишин башлаганлы 20-дан артыкъ улоу сатып алыннганды, энтта 8-зи сакъланады. Энчи автотранспортну паркы республиканы тийрессинде ТКО-ну кетериу жалчытылынып турурча толтурулунады.



Дагыда сёз ишлеп турган улоулары жангыртуу эмда жангы контейнер майданлары къурауу, терк эмда качестволу жумушла тапдырылганлай турурча аланы бир видеокарау система ыз бла жалчытуу юсюнден да барганды.

Республиканы таматасы кир-кипчикни чыгъарыуу графигине эмда ол жыйылган энчи майданлада аны кетерилюуне къарауу кючлерге букурганды. ТКО жаны бла болум регионну оноучуларыны энчи къарауларында турады.

Парламент

Солуугъа кетерген алгъа — магъаналы башламчылыкъла

КъМР-ни Парламентини 2026 жылда жай сессияда ахыргъы жыйылыуунда депутатла быйылны бюджетине тюрлениуени сюзгендиле, республикалы законлагъа тюзетиуени къабыл кёргендиле эмда РФ-ни Къырал Дума-сыны къараууна законну проектин хазырлагандыла. Жыйылыуу законла чыгъарыуу органны башчысыны орунбасары Жанатайлы Салим бардырганды.

БЮДЖЕТ

Депутатла, биринчиден, КъМР-ни 2026 жылда эм 2027-2028 план кезиуде бюджетини юсюнден законна тюрлениуени сюзгендиле. Финансла министр **Елена Лисун** билдиргенича, аны айдалары бир миллиард 372 миллион сомгъа кёбейтилгендиле. Ол санда налогладан эм анда тышында айдаланы ёлчеми 969,8 миллион сомгъа жетедиле. Дагыда федерал арадан хакъ-сыз 402,7 миллион сом бериледи.

— Предприятиялары айдалары, акцизле, усталыкъгъа эм башха айдала ёсериклери белгиленеди, — дегенди министр.

Налогладан тышында айдаланы юслеринден айтханда, регионну иелигинде болган мюлкню хайырлануудан 250 миллион сом, табийгъат байлыкдан 10,3 миллион сом, къырал ырысхыны сатыудан 313 миллион сом тюшериги белгиленеди. Дагыда тазирледен, къоранчаланы къайтарыудан, санкцияладан 129 миллион сом жыйыллыкды.

Къоранчаланы бёлюмюнде да бардыла



тюрлениуле. Энчи аскер операциягъа къатышханлагъа эм аланы юйюрлерини социал излемлерин жалчытыр мурат бла КъМР-ни Правительствосуну резерв фондуну ёлчеми кёбейтилгенди.

— Алай бла битеу тюрлениуени эсге алып, 2026 жылны бюджетини айдалары — 73, 7 миллиард сом, къоранчалары 77,6 миллиард сом боллукъдула. Ол дефицит бла къуралады — 3,9 миллиард сом. Республиканы къырал борчу 2027 жылда 1 январьда 6,7 миллиард сомгъа жетерикди, — дегенди министр.

ЗАКОНЛАНЫ ПРОЕКТЛЕРИ

Депутатла «КъМР-де кёп къатлы юйледе жашагъанла бирге хайырланган мюлкню тынгылы жангыртуу юсюнден» республикалы законну 20-чы статьясына тюзети-

уени эки окъулууда къабыл кёргендиле. Ол федерал излемлеге келишдирилгенди. Сёз кёп къатлы юйледе жангыртуу жумушлары тизмесини юсюнден барады. Ол кючюне 2027 жылда 1 сентябрьде кирликди.

«Инсанлары бир-бир къауумларына, иш излегенде чырмаулагъа тюбегенде, квотала тохташдыруу юсюнден» республикалы законну 3-чю статьясына тюзетиуле КъМР-ни прокуратурасыны эсгериулерине тийишлиликде хазырлангандыла. Урунуу, социал политика, саулык сакълау эм ветеранлары ишлери жаны бла комитетни башчысы **Хусейн Кажаров** ангылатханыча, документден «къырал себеплик Къабарты-Малкъарны инсанларына бериледи» деген жорукъ кетерилгенди.

Ахыры 2-чи бетдеди.

Р.М.Калибатовну Къабарты-Малкъар Республиканы Сыйлы грамотасы бла саугъалауу юсюнден

Къабарты-Малкъар Республиканы Башчысыны УКАЗЫ

Къабарты-Малкъар Республиканы саулык сакълау министри **КАЛИБАТОВ Рустам Михайловични** саулык сакълауу анытыугъа уллу къыйын салгъаны эмда кёп жылланы бет жарыкълы уруннганы ючюн Къабарты-Малкъар Республиканы Сыйлы грамотасы бла саугъаларгъа.

Къабарты-Малкъар Республиканы Башчысы **К.КОКОВ**
Нальчик шаар,
2026 жылда 6 июль, №66-УГ

КъМР-ни Башчысыны Администрациясыны Коррупциягъа къажу турууу ишлери жаны бла управлени-ясыны юсюнден Къабарты-Малкъар Республиканы Башчысыны «2015 жылны 30 сентябринде чыгъарылган 142-УГ номерли Указы бла къабыл кёрюлген Болумну 5-чи пунктуна тюзетиу кийириуу юсюнден

Къабарты-Малкъар Республиканы Башчысыны УКАЗЫ

1.КъМР-ни Башчысыны Администрациясыны Коррупциягъа къажу турууу ишлери жаны бла управлени-ясыны юсюнден «КъМР-ни Башчысыны Администрациясыны Коррупциягъа къажу турууу ишлери жаны бла управлени-ясыны юсюнден Болумну къабыл кёрюу юсюнден» Къабарты-Малкъар Республиканы Башчысыны 2015 жылны 30 сентябринде чыгъарылган 142-УГ номерли Указы бла къабыл кёрюлген Болумну 5-чи пунктуна «у.1» подпунктну къошуп, тюзетиу кийирирге:

«у.1») Россей Федерацияны Урунуу эмда социал къоруулау министрствосуна Къабарты-Малкъар Республиканы къырал къуллукъларында, муниципал къуллукълада ишлегендени, Къабарты-Малкъар Республиканы къырал граждан службасында къуллукъ этгендени, муниципал службада къуллукъ этгендени, Къабарты-Малкъар Республиканы къырал учрежденияларыны башчыларыны къуллукъларын толтургъанлары, муниципал учрежденияларыны башчыларыны къуллукъларын толтургъанлары араларында коррупция бла байламлы правога бузукълыкъ этгенлери ючюн ышаннгылылыкъларын тас этгенлери бла байламлы жууапха тартылуу халда ишлеринден кетерилген (къуллукъларындан эркин этилген) адамлары юслеринден аланы ышаннгылылыкъларын тас этгенлери бла байламлы ишлеринден кетерилгенлени тизмесине къошар эмда аланы юслеринден шартланы кетерир ючюн билдириуу жалчытады.

2.Бу Указ анга къол салыннган кюнден башлап кючюне киреди.

Къабарты-Малкъар Республиканы Башчысы **К.КОКОВ**
Нальчик шаар,
2026 жылда 3 июль, №65-УГ

«Сёзню адамны эсин
уяндыргъан кючю барды»

9 бет



Юйюрге, сүймекликге
эм кертичиликге
жоралап

12 бет



12 июль – Почтаны кюнү

«Ишчи нёгерлерим бла насыбым тутханды»

Черек районда почта бёлюм-ге башчылык этген Гажон-ланы Асиятны урунуу жолу 1999 жылда школну бошагъанлай башланганды. Почтада иш-лей тургъанлай, экономика эм бухгалтер эсеплеу усталыкыны сайлап, Информация технология жаны бла колледжге окъургъа киргенди. Ызы бла, бийик усталык билим алыргъа излеп, Шёндююлю гуманитар универ-ситетни да тауусханды.

Мектепни энди тауусхан кызы Къашхатауда связь бёлюмде бир бири ызындан кеслерини заман-ларында операторну, бёлюмню башчысыны орунбасарыны, газетлеге бла журналлагъа жаз-дырыу жаны бла специалистни, инструкторну къуллукъларын толтургъанды. «Ишчи нёгерле-рим бла да насыбым тутханды. Бир бирге хурмет, керек кюнде билеклик эте, ышана, алай ёте-диде почтада кюнлерибиз. Ала барысы да ишлерин теренинден билген, уллу сынам жыйгъан адамладыла. Усталык жаны бла аланы кёз алларында ёс-генме, кёп затха юйрөннгенме десем, жангылмазма, аны ючюн барысына да жүрек ыразы-лыгымы билдиреме», - дейди Асият.

Ишчи нёгерлери Къулбайла-ны Мадина – Къашхатауда, Темуккуланы Аминат – Огъары Малкъарда, Гасыланы Нафисат – Бабугентде, Бёзюланы Амина – Герпегежде, Шауаланы Сай-ха – Къара-Сууда, Хибийланы Зукура – Огъары Жемталада связь бёлюмлеге башчылык этедиде, ала хар бири да 30-40-шар жылны урунадыла. Бы-зынгыда жангы ишчи келгенин белгилерге керекди – жаш адам Чочайланы Лейля коллективге терк къошулганды, ишни эбине жетдире да биледи.

Милет газетибизни юсюнден айта, Асият «Заманны» хар таулу юйюрге магъанасы уллу болгъанын белгилейди. «Хал-къыбызны жангыз бир газети барды, биз не заманда да аны кётюрюрге керекбиз. Ана тили-



бизде чыкъгъан газет, журнал, телевидение, театр, ансамбль, радио – ала барысы да халкъ-ны энчилигини белгисидиле. Аллахны ахшылыгындан, ала барысы да бизде бардыла, биз а ол байлыгыбызны сакъларгъа, аланы кётюрюрге, ёсе келген тёлюлеге ёдюрюрге тийишли-биз. Мен кесим бегирекда ма-даниятны, адет-тёрелерибизни юслеринден окъургъа сюеме. Кесибизни тилибизни билирге, аны сакъларгъа эмда айнытыр-гъа борчлубуз», - деп чертеди почтаны таматасы.

Почта бла газет бир бирлери бла къысха байламлыдыла. Биринчиси сейир материалла жыйышдырады, экинчиси уа аланы жамаутха жетдиреди. Адамла жангы номерлени за-манында алырча этиуню Асият почтачылары сыйлы борчла-рына санайды. Былайда ол районну почта бёлюмлерини почтаёонлары Мамайланы Сейфуннга, Мамайланы Ду-герханнга, Жылкыбайланы Лейлягъа, Къартлыкъланы Зу-

хурагъа, Гидаланы Фатимагъа, Эндрейланы Людмилагъа, Ира Магомедовагъа, Къулбайланы Эльмирагъа ыразылыгын бил-диреди. «Аладан энчи бирин да айыралмайма, къарды-жауунду, суукъду, иссиди деп къарамай, барысы да кёл салып ишлеген, адамла бла бир тил таба билген инсанладыла», - дейди.

Быйылны жарымына газет-леге жазылыу, Асият бил-диргенича, жетишимли ётгенди. Аны бёлюм ахшы кёрюмдюле бла бошагъанды – газетге жа-зылгъанланы саны ёсгенди. Почтачыла газетге жазылгъан-ланы саны мындан арысында да ёседен-ёсе барырын, хар жангы газет жамаутха хайыр, игилик келтиррин, ол излеген соруулагъа жууапла беририн тежейдиле.

СУРАТДА (солдан онгнга) ал тизгинде: Чеченланы Танзиля, Къулбайланы Мадина, Гажонланы Асият, Халум Бурниева.

Экинчи тизгинде: Махийланы Эльвира, Къулбайланы Эльмира, Ира Магомедова.

Тюз сайлау этгенине тюзюнню

Малкъондуланы Феруза, Жулабланы Зариф-ни кызы, Хушто-Сыртда туугъанды. Мектепни тауусхандан сора, Къабарты-Малкъар кырал университетни школгъа дери билим бериу жаны бла бёлюмюн кызыл дипломгъа бошап, беш жылны сабий сатта ишлегенди.

2022 жылда Нальчикде ол почта бёлюмге ишге киреди, адамла бла ишлеу, алагъа болушуу хычы-уун кёрюнюп, тюз сайлау этгенине да тюзюнеди. Бир кесекден аны Нальчикден Каменка элде связь бёлюмге жибередиле. Мында да низамлы, ишин сыйген Феруза жамаут бла ариу жарашып, бет жарыккылы урунуп тебирейди. Бусагъатда поч-тачы нёгери Жаникаланы Алимат бла бир бирни ангылап ишлейдиле.

Милет тилде чыкъгъан басма изданиеланы юсюнден айта, Феруза аланы бютюнда сабийле окъусала иги боллугъун чертеди. «Ана тилни та-тыуун гитчеликден сезген кыйматлыды. Тилибиз байды, сейирди, жаш тёлю аны бла тынгылы хайырлана билсе, сагъышларын, оюмларын ангы-латалса, бек ахшы боллукъ эди. Кесим окъургъа къачан да сыйгенме. Къарт аммам ана тилибиз-де чыкъгъан газетге жаздырмай къоймагъыз деп, къайтарып айтыучусу къачан да эсимдеди. Анда жаш тёлюбюзно спорт, илму, маданият, башха жаны бла да жетишимлерин, айтхылык инсанызны юслеринден материалланы кёрсем, айкайда, кёлүм кётюрюледиде, ёхтемленеме», - дейди ол.

Каменка гитче эл болгъанлыккыгъа, Феруза газетни аслам адам излегенлерин, арт кезиуде



уа аны жаш адамла да соруп башлагъанларын къууанып билдиреди. Алай эсе уа, келир жарым жылгъа жаздырыу андан да жетишимли болуруна ышанырчады.

КУЛЬЧАЛАНЫ ЗУЛЬФИЯ.

СУРАТДА (солдан онгнга): Жаникаланы Алимат бла Малкъондуланы Феруза.

Себеплик



Жетишимликке энтта бир атлам

КъМР-ни Жарыкъландырыу эм илму министерство-суну «Антарес» билим бериу арасында солугъан жашлагъа бла кызылагъа «Илмуну реги-оннга» деген энчи смен ачыл-ганды. Анга битеу да 100-ге жууукъ школчу къатышады. Ала республикада бардырылгъан тюрлю-тюрлю олимпиадалада, конкурслада хорлагъанладыла эмда экинчи, ючюнчю жерлеге тийишли болгъанладыла.

Беш кюнню ичинде республи-каны хар жеринден да келген сабийле бир жолгъа химия-биология эмда физика-мате-матика курсланы ётерикдиле. Аланы окъутурукъла уа Москва-ны Физика-техника институтуну бла Капица атлы лицейни пре-подавательлеридиле. Дёрс-леден сора уа, «Антаресде» солугъанлагъа сейир жолоучу-лукъла, оюнга, спорт эришиуле да къуралгъандыла.

Бу ишни КъМР-ни Жарыкъландырыу эм илму ми-нистерствосу, «Кюн шахар» академия эмда Москваны Фи-зика-техника институту къурагъ-андыла. Аны мураты – респу-бликада инженер усталыккъа,

солууларын да тап къурау хайы-рын кёргюзтмей къоярыкъ тую-юлдюле. Алайды да, барыгъыз да кёлюбюзно салып окъургъа, алгъа барыргъа, жангылыккъа излерге итинигиз!» – деп, на-сыйхат этгенди.

Ол алгъараккълада «Кюн шахарда» 11-чи класслада окъугъанлагъа инженер смен да къуралгъанын эсертгенди. «Анда да Москваны Капица атлы лицейинде ишлегенле дёрсле бардыргъандыла. Ол да бек сейирлик смен эди. «Ан-таресде» быллай иш болгъаны бек къууандырады», – деп да къошханды Джапуланы Та-мара.

«Илмуну регионнга» ООО-ну баш директору Матвей Лихолип а бу иш республиканы Пра-вительство-суну ыразылыгъы бла эмда «Кюн шахар» сабий академияны оноучуларыны тириликлерини хайырындан къуралгъанын билдиргенди. «Бери ишлерин тынгылы бил-ген, сыйген, алгъа итинген къауум келгенди. Ала иги кесек замандан бери да илму бла кюрешедиле эмда сабийлени физикагъа, математикагъа,



ны айнытыу эмда кадрла бла жалчытыу.

Сменни къууанчы ачылыу-унда сёлеше, КъМР-ни жа-рыкъландырыу эм илму мини-стрини орунбасары Екатерина Мисостова быллай иш «Илмуну регионнга» деген проектни че-клеринде къуралгъанын эмда Къабарты-Малкъарда биринчи болуп бардырылгъанын чертип айтханды. «Бизни борчубуз – жаш адамланы хунерликле-рин ачыкълауду эмда аланы айнытыргъа себеплик этиуду. Бу смен жетишимлерибизни жолунда кезиулю атлам болурун сюебиз. Сизсиз республикабыз-ны келир заманы. Аны атын айтдырлыкъ, намысын-сыйын кётюрлюк да сизни жетишим-лерибиз бла хорламларыгъыз-дыла», - дегенди.

Сабийлени чыгъармачы-лыкъларыны «Кюн шахар» академиясыны директоруну къуллугъун толтургъан Джа-пуланы Тамара быллай сменле мындан ары къураллыкъларын айтханды. Москваны Физика-техника институту бла да «Кюн шахар» академия эрттеден байламлыкъ жүрютгенин, аны бла бирге бир ненча проектни жашауда бардыргъанларын билдиргенди. «Школчулагъа тынгылы билим бериу эмда

химиягъа сюймекликлерин къозгъай биледиле, - дегенди.

Ызы бла сабийлеге насыйхат сёзюн айтханды: «Уллу ил-муну эмда бийик технологияланы келир заманлары ара шахарланы лабораторияларында угъай, ма сизнича, жашланы бла кызыланы хунерликлерини, тириликлерини да хайырындан жаратылады. Алайды да, уллу, кыйын да борчланы кеси боюнугъузгъа салыргъа, жангылычла этерге да къоркъмагъыз, устазлагъа кёбю-рек соруула берирге кюрешигиз, кёп билирге, билим алыргъа ити-нигиз! Ата-аналагъа айтыргъым а, бизге ышаннганыгъыз ючюн сау болугъуз».

Дагъыда ол кюн окъуна «Ан-таресде» бир магъаналы иш болгъанды: «Кюн шахар» са-бий академияны бла «Илмуну регионнга» деген биригиуню бирге ишлеулерини юсюнден келишимге къол салыннган-ды. Анга кёре Къабарты-Мал-къарда билим бериу жаны бла къошакъ программаланы хайырланыргъа онг боллукъду, сабийлеге терен билим алыуда жангы амалла ачылыккъдыла.

Байрамгъа келгенлени «Денс» къауумгъа кирген Са-мира Мисостишхова тепсеую бла кёллерин кётюргенди.

ХОЛАЛАНЫ Марзият.

(каб.яз.) (12+)

06.40 «Спорт майдан»
(«Спортплощадка») (балк.
яз.) (12+)

07.00 «Новости. Утро. 1КБР».
Информационная
программа (16+)

07.10 «Отряд «Пятнашка». Ахра
Авидзба (12+)

07.40 «Картины из прошлого».
Черкесская тема в
европейской классической
музыке (12+)

08.00 «Новости. Утро. 1КБР».
Информационная
программа (16+)

08.10 «Зы уэрдэм и хъыбар»
(«История одной песни»)
(каб.яз.) (12+)

08.30 «Хъэндырабгъуз»
(«Бабочка»). Детская
экологическая программа
(каб.яз.) (6+)

* * *

17.00 «Новости 1КБР».
Информационная
программа (16+)

17.10 «Ууаз». Религиозно-
просветительская
программа (балк.яз.) (12+)

17.40 «Поэтическая тетрадь».
Передача первая (12+)

17.55 «Чемпионы». Мастер
спорта СССР по
классической, вольной
и национальной борьбе,
председатель Совета
ветеранов спорта КБР
Анатолий Кодзоков (12+)

18.20 «Нанэ и псэ» («Мамина
радость»). Передача для
родителей (каб.яз.) (12+)

18.45 «Тхыдэм дыриплъэжу».
Историко-этнографический
обзор (каб.яз.) (12+)

19.30 «Новости 1КБР».
Информационная
программа (16+)

19.45 «Таулуну календары»
(«Календарь горца») (балк.
яз.) (12+)

20.15 «Профессионалы». Доктор
искусствоведения Борис
Мальбахов (12+)

20.40 «Всегда на страже» (16+)

21.05 «Бзылхугъэ щыпкъэ»
(«Современница»). Марина
Бажикова (каб.яз.) (12+)

21.40 «Новости 1КБР».
Информационная
программа (16+)

Къарачайлыланы бла малкъарлыланы тукъум тамгъалары

Аллы газетни 50-чи, 53-чю, 56-чы, 59-чу, 62-чи, 65-чи, 68-чи, 71-чи, 74-чю, 80-чи номерлериндеди.

1. Ууазикалары	☞ ☛ ☞
2. Ёзденлары	Λ Λ Ω Λ Λ Λ Λ
3. Узелары	⊙
4. Улакълары	↑
5. Улбашлары	⚓
6. Умарлары	Λ
7. Уммайлары	⊗
8. Орусбийлары	⊕ ⊖ ⊙ ⊕
9. Оруслары	Λ X
10. Урчукълары	⊗
11. Уяналары	⊕
12. Уянлары	z
13. Фрийлары	~ 4
14. Хабицлары	⊙ ⊙ ⊙
15. Хаджилары	⊙ ⊙
16. Хажгерийлары	♀
17. Хазгерийлары	⊕
18. Хазналары	Λ
19. Хайынлары	⊙
20. Хайыркъызлары	⊙
21. Хайырлары	Q
22. Хакуллары	T
23. Халакуллары	f
24. Халкёчлары	⊗
25. Хаммалары	⊕
26. Ханизалары	✱
27. Хапалары	∞ ⚓
28. Хапукалары	⊕
29. Хархалары	✱
30. Хасайлары	∞

31. Хасанмоллалары	⚓
32. Хасанлары	⚓ ⚓ ⚓ ⚓ ⚓
33. Хатукалары	⚓
34. Хахажалары	Э
35. Хаханалары	1
36. Хахулары	⚓
37. Хачарлары	⚓
38. Хачилаы	♀
39. Хачирлары	⚓ ⚓ ⚓
40. Хашайтуклары	⚓
41. Хашмолары	⚓
42. Хемашлары	⚓
43. Хибийлары	⚓
44. Хитилары	⚓
45. Ховжоклары	⚓
46. Хозалары	⚓
47. Холалары	⚓ ⚓
48. Холамлары	⚓
49. Холамханлары	⚓
50. Хосулары	⚓
51. Хотлары	⚓ ⚓ ⚓
52. Хоханалары	⚓
53. Хочилары	⚓
54. Хочулары	⚓ ⚓ ⚓
55. Хубаллары	⚓

56. Хубийлары	⚓ ⚓
57. Хуболлары	⚓ ⚓
58. Хулчалары	⚓
59. Хурталары	⚓
60. Хуртулары	⚓
61. Хусейинлары	⚓
62. Хустос къауум	⚓ ⚓ ⚓
63. Хутуйлары	⚓
64. Хучиналары	⚓
65. Хучнашлары	⚓
66. Хучулары	⚓
67. Хыбылары	⚓
68. Цакалары	⚓
69. Цепишлары	⚓
70. Цийкъанлары	⚓
71. Ципинлары	⚓
72. Цыралары	⚓
73. Цопанлары	⚓
74. Цоралары	⚓
75. Цоцалары	⚓
76. Цоцулары	⚓

Тукъумланы жазылыуларын редакцияда ишлегенле тюрлю-тюрлю документледен эм китапладан алгъандыла. Ол тизмеге тюшмей къалгъан неда терс жазылгъан тукъумла да болурла, аланы юслеринден билгенле чыкъсала, газетни электрон почтасына (elbor_50mail.ru) жазарыгъызны сакълайбыз.
Баргъаны боллукъду.

СЁЗБЕР

ЭНИНЕ: 1. Зыбыр жюнден этилген халы. 3. Къаты агъачлы терекни бир тюрлюсю. 7. Хай-ууанны ичинде «китапчыкъ». 10. Ёлор ууахты. 13. Бедишлик. 14. Къалакъкъуйрукъ къой. 15. Къозуну бурма териси. 16. ... жашха, тиер башха (н.с.). 19. Минер эм тюшер ючюн ишленген басхычны босагъаларындан бири. 20. Къысханы антоними. 21. Къылыкъсыз иш. 25. Басхан ауузну эски эллеринден бири. 26. Бохча ичинде – къочхарла (элбер). 27. Табада неда от юсюнде биширилген ётмек.

ЁРЕСИНЕ: 1. Жана тургъан затланы тёбеси. 2. Бир затны баш-

ланыуу, аллы. 3. Эрттен къонакъ – къонакъ болмаз, эрттен жауун ... бармаз (н.с.). 5. Сау болмаучу, эрттегили кыйын ауруу. 6. Ашыкъ иликден ишленген, бешикте сабийни сийдиги баргъан быргъысы. 8. Адамны терисинде ичи ирин этген дугъурчукъ. 9. Энчилик, къалгъанладан эсе игилик. 11. Арменияны бла Тюркню белгили тауу. 12. Тишсиз къартха – акъ, ... жашха – сакъ (н.с.). 17. Жууулуп жайылгъан быстырны тагъар ючюн къысдыргъышчыкъ. 18. Ол да мул-жарды. 22. Тарыдан, арпадан, зынтхыдан этилген ичги. 23. Аш, азыкъ, ашарыкъ. 24. Эшер неда тигер ючюн этилген иничке бау.

Газетни 79-чу номеринде басмаланнган сёзберни жууаплары:

Энине: 1. Мукъуладис. 5. Кечё. 6. Анес. 8. Борахъ. 11. Бараз. 12. Дудакъ. 13. Хамам. 14. Зайын. 18. Жюзюк. 20. Къула. 21. Улакъ. 22. Мажюсюлюк.
Ёресине: 1. Мача. 2. Ушхол. 3. Алдау. 4. Сант. 5. Кёнгбухчакъ. 7. Салкъынлыкъ. 9. Талау. 10. Жугар. 15. Тюлкю. 16. Кюлкю. 17. Ёлюм. 19. Элек.



